



AUZO BILERAK 2024

AUZO: Gurutze

Data	Hasiera ordua	Bukaera ordua
2024/10/01	18:00	19:30

BILDUTAKOAK:

Udal ordezkariak:	Olaia Lasa, Ibon Mitxelena eta Nora Velez del Burgo		
Herritarrak:	Euskaraz: 7		Elebitan:
	Emakumezkoak:3		Gizonezkoak:4
	<30 urte:	31-50 urte:3	51-65 urte:2 >66 urte: 2

Gaia	Ekarpena eta iruzkinak
Aurkezpena	Batzarrean landuko diren gaiak aurkeztu dira.
Legealdi planaren jarraipena	<p>Lan ildo nagusi edo estrategikoen berri eman da.</p> <p>Legealdi planaren jarraipena eta urteko helburu nagusiak aurkeztu dira:</p> <p>2024:</p> <p>Ongizate saila Fermiñenera lekualdatu da. Elkarlanerako erraztasun handiak ekarri ditu horrek. Erabiltzaileak eta herritarrak gustura daude kokapen berriarekin.</p> <p>Udaleko euskara plan berria idatzi da.</p> <p>Oiartzun irratitari bultzada bat eman zaio. Herrian gai horretan adituak diren zenbait pertsona elkartu dira horretarako.</p> <p>Euskara eta kulturartekotasuna sustatzeko programa abiatu da herriko ikastetxeetan. Gailu teknologien erabilera eginez herrira iritsi berriei harrera egiteko helburua du (guraso bileretan adibidez).</p> <p>Aurten lehen aldiz mugaldeko udaleku ibiltariak antolatu dira. 30 bat gaztek parte hartu dute. Datorren urtean ere egiten jarraitzeko asmoa dago.</p> <p>Mugikortasun eta energia plana idatzi eta onartu dira.</p> <p>Lehen sektoreko doako ordezkapen zerbitzua martxan jarri da.</p>



Burujabetzen prozesua martxan jarri da. Aurten jardunaldiak antolatu dira Oiartzunen Udalbiltzarekin batera.

Hirigintza aldetik plan ezberdinak daude martxan: Arraguan egingo diren 400 etxebizitzetako prozesu partehartzailea egin da. ELI6 eremuan ere 200 bat etxebizitza egingo dira. Horrekin lotuta, hirigintza ikuspegi feministatik

Inbertsioetan. Futbol zelaia, bidegorriko azken tunela, Ugaldetxoko lotunea, Zurko baserriko bidezidorra eta Mendinekin ere. Bi lotura berri.

2025:

Herritarren Arretarako gune berria martxan jarriko da. Lehen Sabadell-eko bankua zegoen lokalean egingo dituzte aurrerantzean herritarrek udalarekin lotutako gestioen gehiengoa.

Mugikortasun plana eta energia plana (Rafael Pikabea...) gauzatzen hasiko dira.

Atez atekoaren bilketa kudeaketan hobekuntzak egingo dira. Horretarako, Arraguan proba pilotu bat egingo da.

Burujabetzen prozesuarekin jarraituko da. Mahaia martxan jarriko dira jardunaldien ondoren.

Hirigintza planak herritarrekin lantzen jarraituko dugu. Arragua, ELI6 eta Ugaldetxo.

Musika eskola publikoa sortzeko parte-hartze prozesua egingo da. Aurten lanketa bat egin da.

Liburutegia berritzeko parte hartze prozesuan lagundu. Eraikina berrantolatuko da, erakargarriago egin eta herritar guztien eskura jartzeko.

Merkataritza txikia sustatzeko plana egingo da.

Naturguneen azterketa egingo da, bioaniztasuna zaintzeko.

Haur etorri berriek euskara ikasteko esperientzia pilotua martxan jarri nahi da. Hezkuntzarekin lantzen ari da gaia.

Inbertsioak: Altzibarko gune estalia, ikasketa gela berria, energian, ur hoditerian, mugikortasunean...



<p>Ordenantza fiskala eta aurrekontuak</p>	<p>ORDENANTZA FISKALAK</p> <p>Ordenantza fiskalak hiru helburu izanik berritu dira:</p> <p>Errenten araberako ordenantzak, Klima aldaketaren aurkako neurriak saritu eta etxe hutsak merkaturatzeko hartu genitzakeen neurriak hartu.</p> <p>%2 igoera tasetan eta KPI-%3,4.</p> <p>Kohesio soziala zaintzeko, Aztikerrekin azterketa sozioekonomiko bat egin dugu Oiartzungo errealitatea ezagutzeko.</p> <p>Kohesio soziala. 3975 bizitza unitate Oiartzunen. Familia errentari dagokionez. 50 familia, adin txikiko batekin <13.500€, 50 familia bi adin txikiko <13.500-26.000€.</p> <p><13.500€ errenta duten bizikidetzak unitateentzat udako igerilekuetarako prezio murriztu bereziak egon dira.</p> <p>Trakzio mekanikoa familia ugari errentaren arabera.</p> <p>Gainerako herrietan bezala, Oiartzunen biztanleriaren zahartzea ikusten da. >65, gorakoak 20 urteetan %8 igo da. Kiroldegian 65 gorakoak prezio murriztua izango dute, zahartze aktiboa bultzatzeko.</p> <p>Ekonomiarekin lotutako datuak: %75ak zerbitzuetan egiten du lan, industrian gizon eta emakumeen arteko ezberdintasun handia. Nekazaritza eta abeltzaintzan gutxiengoak egiten du lan. Langabezia tasa % 5 inguru.</p> <p>Transizio ekosoziala (energia, mugikortasuna eta hondakinak). Legeak energia kontsumoak % 35 jatsi behar ditugula eskatzen du. 15 eraikin nagusiak kontsumoaren %85aren erantzule dira. Elorsoro kiroldegia da Udalaren energia kontsumoaren %37a. Energiaren %32 energia berriztagarrietatik etorri behar da. Udalaren zuzeneko kontsumoa jaisteko neurriak. Ekonomia sektoreetan eta etxebizitzetan energia eraginkortasuna bultzatzea. Mugikortasun iraunkorraren aldeko neurriak. Klima aldaketaren inpaktuen jarraipena egin: ibaiak, naturguneak, itzalak...</p> <p>Hobariak: Energia aprobetxamendu sistemak (eguzki panelak) jarriz gero %50eko hobaria izango da. Instalazioetan %95eko hobaria egongo</p>
---	--



da. A eta B energia-efizientzia lortzeko eraikuntza, instalazio edo obrak egin behar izanez gero, hobaria izango da, %95 eta %80 bitarte.

Mugikortasun planean (2024-2028), 5 ildo estrategikotan jasotako 35 ekintza jasotzen dira: Oiartzungo ardatz aktiboak, garraio publikoa, kotxearen kultura murriztea, jarduera ekonomikorako eremuetan eragite eta hirigintza eta mugikortasuna.

Mugikortasunarekin lotutako hobariak: etxebizitza komunitateetan bizikletak aparkatzeko gune berriak sortzeko obretan %95eko hobaria obren zergan. Interes publikoko obra izendatu beharko ditu plenoak. Trakzio mekanikoen zergako hobariak CO2 isurien arabera.

Hondakinak: 7/2022 legea dator Europatik eta 2030erako % 70eko birziklatze tasa izan beharko dugu. Oiartzunen gaur egun %78ko birziklatzeko tasa dugu atez atekoari esker. Bakoitzak sortzen duen hondakinaren arabera tasak ordaintzera bideratuta dago legea eta gu ere bide horretara lerratzen hasiko gara. Beste helburua defizit 0 filosofia da. Tasekin ordaindu beharko da hondakinen kudeaketa. Gaur egun, 1.000.000€ finantziatu behar du tasetatik. Orain arte %60 kubritzen zuen tasak eta Udalak gainerakoa ordaintzen zuen. Udalak gastu hori nola murriztu aztertuko du. Aurten, hala ere, hondakinen tasa garestitu egingo da. Ondorengoa izango da tasa: 4€/hilabetean, 56€/lauhileko eta urtean 168€. Gipuzkoako beste herriein konparatuz 5 merkeen artean gaude, bilketa sistema dena delakoa dela. Defizit 0-rako, 200€ inguruko tasa beharrezkoa izango da etorkizunean.

Etxebizitzak: gainkargua etxe hutsetan %100 izango da. Hobari berri bat %50eko hobaria izango da Bizigune edo ASAP programetan sartzen diren etxebizitzentzat.

UDALEKO AURREKONTUA

2025eko aurrekontua 20 milioi ingurukoa izango da.

Sarrerak: Nagusiki Foru Aldundiko funtsez osatua da. Zergak % 33a. %17a tasak



	<p>Gastuak: Pertsonal gastuak gastuen herena dira (%34), diru laguntzetan %18. Gastu arruntak eta zerbitzuak %36,4. Inbertsio errealerako %10,2.</p>
Auzoa	<ul style="list-style-type: none">- Eskaerak:<ul style="list-style-type: none">○ Añarbeko depuradorak usaia botatzen du. Berritu da, nahiz araztegi bat den neurrian usainak %100 neutralizatzea ezinezkoa den.○ Oiartzungo Restopeko argiteria kutsakorra? Ez da udalaren eskumenaekoa○ Gurutzeko bidegorrian bankuak, iturria eta zuhaitzak.○ Gurutzetik Maldabururako bidegorria. Oraingo ez dago horretarako aurrekonturik.○ Beloagako azken malda irristakorra da. Ez da lan gehiago egitea aurreikusten.○ Gurutzeko biribilgunea baino lehen radar pedagogikoa. Berez, biribilgune bat abiadura jaisteko neurri bat da.○ Aparkalekutik elkartera zebrabidea. Fara eskaera egin da. - Egindakoak:<ul style="list-style-type: none">○ Araztegia berritu da (Añarbeko urakekin batera). Araztegia txiki gelditua zen. Ondorioz, gainezkatu eta erreka kutsatu egiten zen. Dimentsionatzeko lanak egin dira.○ Bidegorrian bankuak jarri dira, urriaren 1ean.○ Barrakoiak txukundu dira eta seinalitika jarri da.○ Gotorlekuaren igoera txukundu eta seinalitika jarri da. Urriaren 5ean, 12:00etan izango da inaugurazioa. - Egitekoak:<ul style="list-style-type: none">○ Parkina modifikatu eta zebra bidea jartzea parkinetik elkartera (Foru aldundiarekin negoziaketa prozesuan gaude).○ Eute lurretako euri uren hoditeria.○ Aroztegi ondoko zubia berritzea. - Galderak eta eskaerak:

- Auzoan etxebizitza berriak egiteko asmorik dagoen galdetu da. Gazteek auzoan bizitzeko aukera izan beharko luketela aipatu da. Udalaren erantzuna: Ezetz erantzun da. Plan orokorrean ez dago horrelakorik aurreikusita.
- Zebra-bidea jartzen bada badenik jarriko ote den galdetu da. Kotxeak abiadura handian ibiltzen dira errepide horretan eta arriskutsua ikusten da zebra-bidea. Udalaren erantzuna: Foru Aldundiarekin landu beharko da gaia. Gaur egun baimen batzuen zain gaude zebra-bidea eta parkineko lanak martxan jartzeko. Radar pedagogikoa jartzearen aukera ere aipatu izan da, baina Foru Aldundiarekin landu behar da gai hori ere.
- Gurutzeko parkingean zein planteamendu dagoen galdetu da. Zer egin behar dute zehazki? Ez dago aurreikusita obra handirik, sarrera-irteerak txukunduko dira.
- Gurutzeko parkinera uda partean jende asko etortzen da furgoneta eta autokarabanetan lotara. Hondakin asko sortzen dituzte eta edukiontziak beteta egon ohi dira. Udalaren erantzuna: edukiontziak asko betetzen diren puntu konkretu batzuk identifikatuta daude eta zaborrontzi handiagoak jarriko dira. Gurutzekoa ez zegoen identifikatuta.
- Auzoan hondakinak egon ohi dira. Bazterretan zerbeza latak eta zaborra egon ohi da. Zenbatean behin garbitzen dira auzoak? Udalaren erantzuna: astean behin garbitzen dira.
- Frontoira sartzeko piboteak inoiz jarrita egon ote diren galdetu da. Askotan kotxeak egon omen dira. Auzotar batek erantzun du piboteak jarri zirela hasiera batean, baina gero kentzea erabaki zela, erabilera anitzeko plaza zabal bat izatea zelako ideia. Auzotarren artean eztabaida egon da: batzuek bertan kotxeak askotan aparkatuta egoten direla esan dute, beste batzuek ez omen dela horrenbesterako. Udalaren erantzuna: gaiarekin lotutako pedagogiaren beharra dagoela ikusten da.
- Plazatik Irun aldera espaloia falta dela adierazi da. Arriskutsua da errepidea oinez ibiltzeko.



	<ul style="list-style-type: none"> ○ Mugikortasunarekin lotuta: Irunekin herria komunikatzeko beharra ikusi da eta gai horretan lanean jarraitzeko beharra azpimarratu da. Udalaren erantzuna: ez da Udalaren eskumena garraioa, baina lanean jarraitu beharko da. ○ Gurutzeko autobus geltokia ongi egina ez dagoela aipatu da, gelditzeko lekua ez baita egokia. ○ Mugikortasun planaren barruan Xorrola Gurutzera iristeko aukerarik jasota dagoen galdetu da. Udalaren erantzuna: printzipioz ez, Taxi buseko ordutegiak Xorrolako ordutegia kontuan hartzen du. Taxi busa <i>mugin</i> sartzearen onuren inguruan hitz egin da. ○ Herriko plazan Xanistebanetan eta Ihoteetan egurrezko bankuak kentzen dira. Adineko jendeak ez du izaten non eseri.
Itxiera	Burujabetzetako parte-hartze prozesuaren eta burujabetza jardunaldien berri eman da. Batzarra baloratzeko orria banatu da. Asistentzia orrian jasotako posta elektronikoetara gaurko akta bidaliko dela gogorarazi da.

BALORAZIO ORRIA:

Hizlariak: bileran zehar emandako azalpenak	9
bilera ongi gidatu da	9
Bileran erabili den metodologiaren egokitasuna	9
Auzotar kopurua	3
Auzotarren partehartzea (ekarpenak egiten)	7
Saioa probetxugarria izan al da?	9
Egunaren egokitasuna	9
Orduaren egokitasuna	9
Lekuaren egokitasuna	9